

Naartunermi, erninermi meeravissiaartaarnermilu sulinngiffeqartarneq ullormusiaqartarnerlu pillugit Inatsisartut inatsisaata allanngortinneqarnera pillugu Inatsisartut inatsisaat (Angajoqqaat sulinnngiffeqartarnerinut piffissarititaasup sivitsorneqarnera)

§ 1

Naartunermi, erninermi meeravissiaartaarnermilu sulinnngiffeqartarneq ullormusiaqartarnerlu pillugit Inatsisartut inatsisaanni nr. 14, 7. december 2009-meersumi tuliiuttut allanngortinneqassapput:

1. § 15, imm. 1, ima oqaasertalerneqassaaq:

” Meeqqap inunngornerata imaluunniit meeqqap tigunerata kingunitsiannguagut sapaatit akunnerinut 15-inut atatillugu angajoqqaat meeravissiaartaartulluunniit katillugit sapaatit akunneri 21-t tikillugit angajoqqaatut sulinnngiffeqarnissaq pisinnaatitaaffigaat.”

2. § 15, imm. 2, ima oqaasertalerneqassaaq:

“ Imm. 2. Meeqqat inunngornerisa imaluunniit meeqqat tigunerisa kingunitsiannguagut sapaatit akunnerinut 19-inut atatillugu, meeqqanut 2-nut imaluunniit amerlanermut ataatsikkut inunngortunut angajoqqaat meeravissiaartaartulluunniit katillugit sapaatit akunneri 25-t tikillugit angajoqqaatut sulinnngiffeqarnissaq pisinnaatitaaffigaat.”

§ 2

Inatsisartut inatsisaat 1. januar 2020 aallarnerfigalugu atuutilissaaq, aamma naartunermi, erninermi imaluunniit meeravissiaartaarnermut atatillugu sulinnngiffeqarnermi atussalluni, tassani sulinnngiffeqartoq ullormi inatsisip atuutilerfiani kingusinnerusukkulluunniit sulinnngiffeqalersimappat.

Kim Kielsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut